



Inatsisartunut ilaasortaq,
Aqqaluaq Egede, Inuit Ataqatigiit
/ Maani

§ 37 naapertorlugu apeqqut nr. 99 / 2019-imut akissutit

Ulloq: 26-02-2019
Sullap normua: 2019 - 4570
All. nr.: 10075514

Inatsisartut suleriaasianni § 37, imm. 1 malillugu Aalisarneq pillugu Inatsimmut tunngatillugu Naalakkersuisunut apeqqutinik saqqummiussa qarputit. Apeqqutit suliassa qarfigisannit akineqartussanngorlugit innersuunneqarput.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Apeqqut 1:

Aalisarnermut akuersissutit amerlavallaartutut oqaatigineqarsinnaasimanngippata sooq aalisartunik nutaanik aalisalersitsinissaq Naalakkersuisoqarfiup suliariumanngilai?

Akissut:

Naalakkersuisut aalisarsinnaanermut akuersissutit amerlavallaat tunniunneqartartut oqaaseqarnikuunngillat. Aalisarsinnaanermut akuersissutinut qinnuteqartoqaraangat, qinnuteqartullu piunasaqaatinik naammassinnissimappata, pisassiissutit pillugit nalunaarut malillugu aalisarsinnaanermut akuersissummik qinnuteqartunut tunniussissalluni APNN pisussaaffeqarpoq.

Apeqqut 2.

Diskobugt-imi qaleraleqassutsip ernumanartumi inissisimanera pillugu pinngortitaleriffiup mianersoqqusinera Naalakkersuisuniit isumaqatigineqarpa?

Akissut:

Naalakkersuisut Pinngortitaleriffimmi biologit siunnersuinerannut malinnaapput siunnersuinerilu ilumooruttarlugit, Naalakkersuisulli aamma aalisartut ilisimasaat ilanngukkusutaallu isummorsornerminnut ilannguttarlugit.

Apeqqut 3

Qaqugukkut aalisakkanik aalajangersimasunik suugaluartunilluunniit piujuaannartitsinermik navianartorsiortitsineq pilersinneqartarnersoq Naalakkersuisut nassuiaanissaat kissaatigaara

Akissut:

Naalackersuisut Kalaallit Nunaata imartaani pijuartitsinermik tunngaveqarluni aalisarnissap qulakkeernissaanik sulissuteqartarput, annertuallaamillu aalisartoqalissagaluarpat sukannersumik tamanna isigissallugu.

Apeqqu 4

Aalisartunik nutaanik inuusuttunik aalisarnermik inuussutissarsiuteqalersitsinissaq siunertaralugu Naalackersuisoqarfiup suliai akissuteqaammi ilanngullugit nassiunneqarsinnaappat?

Akissut:

Apeqqu 1-mut akissutigineqartoq innersuussutigineqarpoq.

Apeqqu 5:

Avannaani Upernaviup aqutsiveqarfiani qalerallit ukiumut pisassiissutaasartut tamakkerneqartannginnerat anigorniarlugu pisassiissutit tamakkerlugit aalisarneqartalernissaat siunertaralugu sooq Naalackersuisut suliniuteqanngillat?

Akissut:

Raajanik misileraalluni aalisarneq aamma aalisarneq pillugu inatsit nutaaq pillugit § 37 naapertorlugu apeqqutigisannut nr. 29 / 2019-imut tunngatillugu Naalackersuisut massakut Upernaviup eqqaani qaleralinniarnermut immikkut pilersaaruteqanngillat. Taamaattoq nunarput tamakkerlugu qaleralinniarluni aalisarnerup nalilersuiffiginissaanik suliaqartussamik suleqatigiissitamik pilersitsisoqareersoq ilisimatitsissutigineqassaaq.

Apeqqu 6.

Aalisarneq pillugu inatsisissap suliarineqarnerani ataatsimiititaliarsuaq sulilersinnagu politikkikkut siunerfilersueqatigiinnissaq eqqartueqatigiinnissarlu Naalackersuisut seminarertitsinikkut ingerlanniarpaat?

Akissut:

Naalackersuisut aalisarneq pillugu isumasioqatigiissitsinissaq pillugu massakut pilersaaruteqanngillat.

Apeqqu 7.

Ataatsimiititaliarsuup suliai kisiisa politikkikkut isummernissami tunngavigineqarnissaat Naalackersuisut naatsorsuutigaat? Taamaangippat qanoq?

Akissut:

Apeqquut 6-imut akissutigineqartoq innersuussutigineqarpoq.

Apeqquut 8.

Sisimiuni aalisartut inuussutissarsiorsinnaanissaat qulakkeerniarlugu misileraanermik imaluunniit allatut immikkut aaqquissuussinikkut aalisartut inuussutissarsiorsinnaaginnarnissaat Naalakkersuisuniit aqquutissiuunnissaat suliarineqarpa?

Akissut:

Sisimiut eqqaanni aalisakkat assigiinngitsut aalisartunut iluanaarutaajuartuarnissaat qulakkeerniarlugu suliniutinik ingerlataqartoqartuarpoq. Assersuutigalugu Sisimiut eqqaanni saattuarniarneq ajunngitsumik patajaatsumillu ingerlanneqarmat taaneqassaaq.

Apeqquut 9.

Sisimiuni aalisartut aalisarnermikkut unittuuissoqqanerat immikkut aaqquissuuffigineqarnissaat Naalakkersuisuniit immikkut suliniuteqarfiginiarneqarpa?

Akissut:

Sisimiuni aalisarneq unittuissimasutut Naalakkersuisut isiginngilaat. Raajat, saarullit, saattussat, nipsisat aalisakkallu allat aalisarneqarput.

Apeqquut 10.

Aalisarnermut inatsisip suliarineqarnerani Naalakkersuisut siunertaraat raajartassat pisassiissutigineqartartut ilaat "kaattaassinikkut" akisuneq-qusaatsitsinikkullu akisunermik neqeroortumut pisassiissutigineqartalissasut?

Akissut:

Naalakkersuisut aalisarnermut ataatsimiititaliarsuup pilersinnissaanut kiisalu aalisarneq pillugu inatsisissap nutaap suliarineranut siusinnerusukkat akissutigineqartunut innersuussipput.

Apeqquut 11.

Aalisarneq pillugu inatsimmi aalisartut umiatsiaararsortut inuussutissarsiutaasa pisassiissutinik qaffaanikkut annertusaaffigineqarnissaat siunertarineqarpa?

Akissut:

Apeqquut 10-mut akissutigineqartut innersuussutigineqarput.

Apeqquut 12.

Aalisarneq pillugu ataatsimiititaliarsuaq Naalakkersuisut oqaatigisaat malil-lugu isumaqatigiisummik ingerlatsiviusimasoq kikkunnik isumaqatigiissu-siorfigineqarpa?

Akissut:

Apeqquut 10-mut akissutigineqartut innersuussutigineqarput.

Apeqquut 13.

Misileraaneq pinnagu kisialli raajartassanik niurutigineqarsinnaasunik pisassiinikkut aalisartunik nutaanik pulatitsinissaq siunertanut ilaatillugu Naalakkersuisut aalisarneq pillugu inatsit suliariniarpaat?

Akissut:

Apeqquut 10-mut akissutigineqartut innersuussutigineqarput.

Inussiarnersumik inuulluaqqusillunga




Nikkulaat Jeremiassen

Aalisarnermut Piniarnermut Nunalerinermullu Naalakkersuisoq

INUIT ATAQATIGIIT

Inatsisartuni



14. februar 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Aalisarnermut akuersissutit amerlavallaartutut oqaatigineqarsinnaasimangippata sooq aalisartunik nutaanik aalisalersitsinissaq Naalakkersuisoqarfiup suliarimmgilai?**
- 2. Diskobugt-imi qaleraleqassutsip ernumanartumi inissisimanagera pillugu pinngortitaleriffiup mianersoqqusinera Naalakkersuisuniit isumaqatigineqarpa?**
- 3. Qaqugukkut aalisakkanik aalajangersimasunik suugaluartunilluunniit piujuaannartitsinermik navianartorsiortitsineq pilersinneqartarnersoq Naalakkersuisut nassuiaanissaat kissaatigaara**
- 4. Aalisartunik nutaanik inuusuttunik aalisarnermik inuussutissarsiuteqalersitsinissaq siunertaralugu Naalakkersuisoqarfiup suliai akissuteqaammi ilanngullugit nassiuqqarsinnaappat?**
- 5. Avannaani Upernaviup aqutsiveqarfiani qalerallit ukiumut pisassiissutaasartut tamakkerneqartanninnerat anigorniarlugu pisassiissutit tamakkerlugit aalisarneqartalernissaat siunertaralugu sooq Naalakkersuisut suliniuteqanngillat?**
- 6. Aalisarneq pillugu inatsisissap suliarineqarnerani ataatsimiititaliarsuaq sulilersinnagu politikikkut siunerfilersueqatigiinnissaq eqqartueqatigiinnissarlugu Naalakkersuisut seminarertitsinikkut ingerlanniarpaat?**
- 7. Ataatsimiititaliarsuup suliai kisiisa politikikkut isummersornissami tunggavigineqarnissaat Naalakkersuisut naatsorsuutigaat? Taamaangippat qanoq?**
- 8. Sisimiuni aalisartut inuussutissarsiorsinnaanissaat qulakkeerniarlugu misileraanermik imaluunniit allatut immikkut aaqqissuussinikkut aalisartut inuussutissarsiorsinnaaginnarnissaat Naalakkersuisuniit aqutissiuunnissaat suliarineqarpa?**
- 9. Sisimiuni aalisartut aalisarnermikkut unittuuissuqqanerat immikkut aaqqissuussiffigineqarnissaat Naalakkersuisuniit immikkut suliniuteqarfigniarneqarpa?**
- 10. Aalisarnermut inatsisip suliarineqarnerani Naalakkersuisut siunertaraat raajartassat pisassiissutigineqartartut ilaat "kaattaassinikkut" akisuneqqusaatsitsinikkullu akisunermik neqeroortumut pisassiissutigineqartalissasut?**
- 11. Aalisarneq pillugu inatsimmi aalisartut umiatsiaararsortut inuussutissarsiutaasa pisassiissutinik qaffaanikkut annertusaaffigineqarnissaat siunertarineqarpa?**
- 12. Aalisarneq pillugu ataatsimiititaliarsuaq Naalakkersuisut oqaatigisaat malillugu isumaqatigiissummik ingerlatsiviusimasoq kikkunnik isumaqatigiissuorfigineqarpa?**

**13. Misileraaneq pinnagu kisialli raajattassanik niuerutigineqarsinnaasunik
pisassiinikkut aalisartunik nutaanik pulatitsinissaq siunertanut ilaatillugu
Naalackersuisut aalisarneq pillugu inatsit suliariniarpaat?**

(Inatsisartuni ilaasortaq Aqqaluaq B. Egede , Inuit Ataqatigiit)

Tunngavilersuut:

Siuliani Aalisarnermut Naalackersuisumut apeqqutigisama akineqannginnerat tunngavigalugu apeqqutinik allanik ilallugit nassiusseqqippunga. Neriullunga suliassaq pingaarutilik, tassalu aalisarneq pillugu inatsisissaq erseqqissumik Naalackersuinikkut siunertaqarfigineqarluni ingerlasariaqartoq akissutitigut aamma erseqqissumik akineqartassasoq. Apeqquteqaatinnut Naalackersuisut akissutaat sulinermi aamma inatsisartut ataatsimiimnissaat sioqqullugu sulinermi atugassaapput.

Kissaatigaara apeqqutit ullut qulit qaangiutsinnagit akineqarnissaat.